

SCRIPT OF EVENING GOJRI NEWS BULLETIN 18AUG 1700 HRS

ایونینگ گو جری نیوز بلیٹن مورخہ 18 اگست 2025

یوہ آکا شوانی جموں ہے نصرت چوہدری تے محمد سفیر تیں خبر سُنو۔

HEADLINES

- ۱۔ لیفٹیننٹ گورنر منوج سنہا نے چسوٹی مانہہ راحت تے امدادی کاروائی کی نگرانی کرن واسطے کل 8 آئی اے ایس تے آئی پی ایس افسران مانہہ تعینات کیو ہے۔
- ۲۔ ضلع کشتواڑ گا چسوٹی گراں مانہ بدل پھٹن گا نتیجہ مانہہ بویا لاپتہ افراد کی تلاش اج 5 ویں روز وی جاری ہے۔
- ۳۔ پارلیمان غا دواں ایواناں مانہہ حزب اختلاف کی طرفوں کئی مدعاں ور شور و غل گے پیش نظر ایوان کی کاروائی مانہہ اج واسطے ملتوی کردتو گیو ہے۔
- ۴۔ جل شکتی گا وزیر جاوید رانا نے مینڈھر مانہہ معاوضہ تے بحالی غا اقدامات گو جانیزو لیو۔
- ۵۔ محکمہ موسمیات کی پیشین گوئی غے مطابق 19 اگست توڑی جموں کشمیر مانہہ پاری بارش تے آندھی گا امکانات ہیں تے محکمہ نے غیر مستحکم علاقہ مانہہ بدل پھٹن سیلاب تے پسی آن بارے خبر دار کیو ہے۔

LG DEPUTATION

لیفٹیننٹ گورنر منوج سنہا نے چار اعلیٰ آئی اے ایس افسران ت چار آء پی پی ایس افسران مانہہ کشتواڑ گا چسوٹی علاقہ مانہہ تعینات کیو ہے تانجے بدل پھٹن تیں بعد جاری راحت تے امدادی کماں غی نگرانی کی جاسکے حکومت غے مطابق یے اسر 19 اگست تیں لے غے 26 اگست توڑی باری باری اپنی ڈیوٹی مانہہ انجام دیں غا 19 تے 20 اگست مانہہ چنراکر بھارتی تے آتم چند ڈیوٹی ور وین گا۔ 21 تے 22 اگست مانہہ انیل کمار سنگھ تے سوجیت کمار نگرانی کریں گا۔ 23 تے 24 اگست مانہہ شالین کاپرہ تے ایم سولیمان چودھری ڈیوٹی ور وین غا۔ 25 تے 26 اگست مانہہ شاہد اقبال چودھری تے ویوک گپتا راحت تے امدادی کماں غی نگرانی کریں گا۔

RESCUE OP CHASOTI

پاری بارش ت مشکل رستاں گے باوجود امدادی ٹیم 5 ویں تہاڑے وی چسوٹی گراں مانہہ تلاشی مہم جاری رکھیا وین ہیں۔ تانجے ملبا مانہہ دیباوا لوکاں مانہہ تلاش کیو جاسکے بارش غے دوران وی اہلکار کئی جگہاں ور کم کرتا نظر آیا خاص طور ور اُس مقام ور جت سب تیں زیادہ نقصان ہوو ہے تے قریب مانہہ لنگر تھو ٹیم ملبو بٹان واسطے بڑی مشیناں تے کھوجی کُتاں غی مدد لے رہی ہے۔ 14 اگست نانہ بدل پھٹن غو یوہ حادثہ چسوٹی گراں مانہہ پیش آیو جہیرو مچیل ماتا مندر توڑی گڈیاں تیں جان غو آخری گراں تھو اس حادثہ مانہہ 61 افراد جاں بحق ہوا جن مانہہ ترے سی آئی ایس ایف اہلکار تے ایک ایس پی او افسر شامل تھو جد کہ 100 تیں متہ لوک زخمی ہوا ہیں اس بارے مزید پیش ہے مارا نامہ نگار غی یاہ رپوٹ۔

LS ADJOURNED

حزب اختلاف کی طرفوں کئی مدعاں ور شورو غل گئے باعج اچ لوک سبھ اگی کاروائی نانہ ملتوی کردتو اج 2 بجے جد لوک سبھ اگی کاروائی دوبارہ ملتوی ہون تیں بعد شروع کی گئی تد لوک سبھ اسپیکر اوم برلا نے خلا باز تے بھارتی فضائیا گا کپتان شوبھانشو شکلا نانہ پورا ایوان کی طرفوں مبارک باد پیش کی گئی شور شرابہ گئے دوران سائنس تے ٹیکنالوجی گا وزیر ڈاکٹر جتندر سنگھ نے بھٹ گو آغاز کیو اس دوران ایوان کی کاروائی چلا رہیا دلپ سانیکیا نے احتجاج کرن آلا ممبراں نانہ اپیل کی جے وے اپنی اپنی نشستیں ور پیس جئیں تے اس خصوصی بحث مانہ حصول مگر حزب اختلاف گا ممبران نے احتجاج جاری رکھیو جس گا نتیجہ مانہ ایوان کی کاروائی نانہ اج دن واسطے ملتوی کردتو گیو۔

ANNOUNCEMENT PTC

علاقائی خبراں آلا شعبہ آکاشوانی جموں غی طرفوں ضلع جموں واسطے عارضی نامہ نگاراں یعنی پی ٹی سی واسطے درخواست منگی گئی ہیں۔مجوزہ پرفارمہ ور عارضی نامہ نگار غی پوسٹ مانہ دلچسپی رکھن آلا ایسا امیدوار درخواست دے سکیں گا جھپڑا ضلع جموں گا بسنیک ویں تے اُن غی عمر 24 براں تیں 50 براں غے بشکار وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہ ڈگری یافر تسلیم شدہ یونیورسٹی تیں گرجویشن غے ہمراہ 2 براں غو صحافت مانہ تجربو مقرر کیو گیو ہے۔اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہ تجربو وی ضروری ہے۔عارضی نامہ نگار غی پوسٹ مانہ دلچسپی رکھن آلا امیدوار واسطے لازمی ہے جے ضلع صدر دفتر جموں یا اس تیں 10 کلو میٹر غادائرہ غے اندر رہائش پزیر وے اس سلسلہ مانہ درخواست غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنجترتھی جموں مانہ بزات خود آئیندہ 31 اگست 2025 توڑی دے سکیں۔ اس بارے مزید جانکاری ویب سائٹ

www.newsonair.gov.in-ور دستیاب ہے۔

RANA RELIEF REVIEW

جل شکتی گا وزیر جاوید احمد رانا نے ضلع پونچھ زمین کھسکن تے پسی آن سنگ ہویا متاثرین واسطے معاوجہ تے دیگر بحالی گا اقدامات بارے اک جائیزہ میٹنگ کی صدارت کی اس دوران وزیر موصوف نانہ غیر مستحکم مقامات ور رہائشی مکاناں سڑکاں تے دیگر ڈھانچاں گا ہویا نقصان بارے تفصیلا دسیو گیو تفصیلا جانکاری لین تیں بعد اُنہاں نے محکمہ مال ت دیگر متعلقہ محکمہ جات نانہ تاکید کی جے اس سلسلہ مانہ ہویا تمام جانی مالی نقصانات گا جائیزو لین گو کم فوراً شروع کی وجے اُنہاں نے زور دتو جے یوہ جائیزو شفافیت سنگ لیو جے تانجے متاثرین نانہ ویلا ور معاوضو واگزار کیو جاسکے۔

SCHOOLS CLOSED

محکمہ سکولی تعلیم غا جموں ڈائریکٹریٹ غی طرفوں خراب تے نامساعد موسمی حالات غے پیش نظر اج گا دن واسطے جموں صوبہ غا تمام سرکاری ونجی سکولاں نانہ بند کرن غو حکم دتو گیو ہے یوہ فیصلو طلباء غی حفاظت نانہ مدنظر رکھتا واں کیو گیو ہے کیونجے شدید بارشاں تے مزید بگڑتا واہ موسمی حالات بارے انتباہ کیو گیو ہے یوہ

فیصلو حکام غی طرفوں 19 اگست تک خراج موسم غی پیشن گوئی غے بعد سامنے آيو
ہے۔

KHELO INDIA WINTER SPORTS

جموں کشمیر کھیلو انڈیا آبی کھیڈ تہوار 2025 واسطے پوری طرح تیار ہے جہیزو 21 تیں
23 اگست تک سرینگر مانہ ڈل جھیل ور منعقد وے گو اس میلہ غو مقصد جموں کشمیر
غی سیاحت ثقافت تے دستکاری نانہ اُجاگر کرنو ہے جد کہ تقریباً 8 سو کھلاڑی کیا کنگ
کینوتنگ ڈونگ تے دوجی کھیڈاں مانہ حصو لین گا تقریب مانہ ڈرون شو روایتی رقص تے
مقامی دستکاری غی نمائش وی شامل وے گی اس کھیڈ میلہ کونسل تے نوجواناں گا
معاملات بارے وزارت غا اشتراق سنگ منعقد کی وجاریو ہے جہیزو جموں کشمیر غی
قدرتی خوبصورتی ت کھیڈاں غا جذبہ نانہ نمایاں کرے گو۔

WEATHER

محکمہ موسمیات نے 19 اگست تک مرکزی زیر انتظام علاقہ جموں کشمیر مانہ شدید
بارشاں تے طوفانی ہواواں بارے انتہا جاری کیو ہے تے خبر دار کی وے ہے جسے اس دوران
بدل پھٹن اچانک سیلاب زمین کھسکن پسی پین تے حساس علاقان مانہ پتھر ٹین غا
واقعات پیش آسکیں آکاشوانی جموں گا نمائندہ غے مطابق محکمہ موسمیات غو کہنو ہے
کہ جموں صوبہ گا کئی حصاں مانہ جن مانہ جموں ریاسی ادھمپور راجوری پونچھ
سانہ تے کٹھوعہ شامل ہیں شدید بارشاں کی زد مانہ رہیں گا جد کہ ڈوڈہ کشتواڑ رام بن
ت کشمیر صوبہ غا کُج ایک مقامات ور درمیانی تیں تیز بارش تے تیز ہوا غا
جھونکا متوقع ہے۔

RAIN POONCH

ضلع پونچھ مانہ گزشتہ 24 گھنٹاں گے دوران پہاڑی بارش ہوئی جس گا نتیجہ مانہ
خطرات آلا علاقان گا لوکاں نانہ محفوظ مقامات ور پُجایو گیو اس سلسلہ مانہ ضلع
ترقیاتی کمشنر پونچھ اشوک کمار شرما نے ایس ایس پی پونچھ شفقت حسین تے انتظامیہ
گا دیگر افسراں گے ہمراہ متاثرہ علاقان گو دورو کرگے نقصانات ت بچاؤ کاروائی گو
جانیو لیو۔ اس دوران ذرائع ابلاغ سنگ گل کرتا واں ڈی سی موصوف نے دسیو ہے
گل 7 کُنباں نانہ محفوظ مقامات ور پُجایو گیو اُنہاں نے مزید اس طرح کہیو۔

COMM STATE TAXES

جموں کشمیر غا ریاستی ٹیکس کمشنر پی کے بھٹ نے اج ایکسائیز تے ٹیکسیشن
کمپلیکس مانہ بنیا نوا کانفرنس ہال گو افتتاح کیو یاہ جدید سہولیات اس موقع واسطے
تیار کی گئی بیتابنچے محکمہ غی میٹنگ ٹریننگ سیشن تے سرکاری کم بہتر طریقہ
سنگ ہو سکیں اس موقعور ایڈیشنل کمشنر انتظامیہ تے عمل در آمد جموں نمینا ڈوگرہ
ڈپٹی کمشنر صدر دفتر اشمیتا شیر تے دیگر افسر تے ملازم ات موجود تھا۔ افتتاح تیں
بعد کمشنر پی کے بھٹ نے افسراں تیں خطاب کیو تے کہیو کہ جدید سہولت محکمہ غی
کارکردگی تے باہمی تعاون نانہ بہتر بنان واسطے اہم کردار ادا کرے۔
